

Pɔɔri wǎri d̀̀i pátírì ketirì Kirisì kɔbe bèè bo Kɔdenti Di mpátírì náá ntì

Pɔɔri weè wǎri di mpátírì Kɔdenti kɔbe. Ò do bo di wǎri ke bo Efesi kó dihèi ndi kékeè dikɔnkɔd̀̀nni d̀̀i bo Kɔdenti Kirisì kɔbe t̀̀nni miéke nè bẽmóm̃m̃m̃be bè múnke do ò wǎrimè kóò biéké itié m̃mai Kuyie nkó kuce miéke.

De kó dipátírì m̃ake itié nyibotí ibotí nku muwedũnfõmmu ìnkè d̀̀i ti náá m̃Muyaánsààmù duò nyèè pǎrè kpéi nnè ti dò nke nyè p̃ĩnnè mèè botí ke teennè titàbè. Kòò w̃̀te ke ìkú Yesu tanfòtè ke bẽnke ke tú dem̃u de miéke medókumè mèè tu dèènni.

Di mpátírì náántì duò ke dõmmè

1. Mudũmmu 1:1-9
2. Metotímè mèè do ãnné Kirisì kɔbe bèè bo Kɔdenti be cuokè 1:10-4:21
3. Kirisì kou dò nkéndò mpáíí nwe nè dipopuò kó tináaantì 5-7
4. Kirisì kou dò nkénte omáà kékáá ndè 8:1-11:1
5. Kirisì kɔbe dò nke ní ndõmmè kuwedũndieku miéke nè Mudisààmù tu mù 11:2-34
6. Muyaánsààmù nduò nyèè pǎrè kó tináaantì nè ti bo ndómè titàbè 12-14
7. Mukúkéyántímù kó tináaantì 15
8. Dikòù nè mudũmmu s̃mmu 16

Mudũmmu

¹ Mí mPɔ̀ari Kuyie nkuù n yu ke dó n naá Yesu Kirisi kó ditɔ̀nnì mí nnè n népo Sositenni, tũ di wãũ di mpátíri dín̄di Kirisi kɔ̀be bèè bo Kòdenti.

² Ti di dɔ̀unko dín̄di Kirisi kɔ̀be bèè bo Kòdenti, dín̄di bèè wɛ̀nnénè Kirisi kè Kuyie ndi wénkùnnè ke di cã́nné, ke dɔ̀unko bèè kó dimàà yu ti Yiè nYesu Kirisi yètìrì tipítì timou. Yesu wèè tú ti Yiè nke tú be Yiè. ³ Kuyie nti cice nè ti Yiè nYesu Kirisi bè di dɔ̀d mmesàà nke di pã kuyè̀nnaatí.

Kuyie nti dɔ̀d mèè sàà nnè Kirisi ti kó mɛwɛ̀nnímè mièke

⁴ N sã̀ntímu Kuyie nsã̀ nè kù di dɔ̀d mèè sàà nnè Kirisi di kó mɛwɛ̀nnímè mièke, ⁵ ke di pãã ndemou botí, kè di nɔ̀ nke náá nKuyie nnáaàntì ke yé demou. ⁶ Ke yé Kirisi kó tináaàntì fiúkúmè di mièke tei. ⁷ Kè di mɔ̀ke Kuyie nkó yepã̀rè yemou dín̄di bèè bàa Kirisi bo wɛ̀tenímè. ⁸ Kuyie mbo di fíí kè di na kétuòke kumà̀nku. Kè ti Yiè nYesu Kirisi ñwɛ̀tiní ke báá yà ò bo di sei ntì ìnkè. ⁹ Kuyie nkùù di yu ke di taunnè ku Birè ti Yiè nYesu Kirisi, kù dò̀drimu kù béi ntì.

Meyatimè Kirisi kɔ̀be cuokè

¹⁰ N kɔ̀be n di náámmu nè ti Yiè nYesu Kirisi kó diyètìrì, ke tú di nyo ditɔ̀bè tu mù kè meyatimè bá mbo di cuokè, kè dí nwɛ̀ mmeyèmmè mèmàà nè iyè̀ntotí ìmáà. ¹¹ N kɔ̀be n náá mmemme ke yé Kodowe cɛ̀tè kɔ̀be n nàkémè ke tú yekpà̀rè bo di cuokè. ¹² N kèèmu bèmabè tumè: Mí ntú Pɔ̀ari kou. Kòo tɔ̀u tu: Mí ntú Apodoosi kou. Kòo tɔ̀u tu: Mí ntú Pieri kou. Kòo tɔ̀u tu: Mí ntú Kirisi kou. ¹³ Di yèmmè dò̀ nKirisi toté toté maà? Mí mPɔ̀ari mĩ ku

di kpéí nkudapãátí ìnkàà? Bè di ànné bàtém̀m̀m̀ ǹè m̀i kó diyètìràà?

14 N sãntí Kuyie n yí ànném̀è bàtém̀m̀m̀ di kóò m̀òu k̀è d̀è í tú Kirisipusi ǹè Kayuusi. 15 Òm̀òu báá na ke d̀ò bè ò ànné bàtém̀m̀m̀ ǹè n kó diyètìrì. 16 Éé! Nh ànnému bàtém̀m̀m̀ Setifannaasi c̀f̀èt̀è k̀òbe, be kó dif̀onk̀úò n yí ỳé k̀è m bo nhãnné otòu m̀òu bàtém̀m̀m̀. 17 Kirisi í n t̀õ nk̀è m bo nhãã benìtìbè bàtém̀m̀m̀, ẁè n yu k̀è m bo náké Tináaansààtì ntì, ke bá ntì nàá nnè onìtì kó mecìi, tì yàà bo k̀ék̀unne kudapãátí náaantì kó muẁerím̀ú.

Kuyie nkó mecìi cããnnèm̀è benìtìbè k̀òme

18 Kirisi kumè kudapãátí ìnk̀è kó tináaantì d̀ò nkuwaátòo nku bèè feti be borè, ke né tú Kuyie nkó muẁerím̀ú tínti kù deeté bè ti borè, 19 kéndònnè tì ẁarim̀è ke tú:

Bèè m̀òke meyèmm̀è m bo m̀è d̀èite, k̀éũté mecìi yembè cìi.

20 We nténke né tú meyèmm̀è yiè? We ntu opátíỳíétiẁè? We ntu tinèitì yiè? Kuyie mbenkemu ke tú benìtìbè m̀òke mèè yèmm̀è tu meẁáátéyèmm̀è mme.

21 Benìtìbè í na ke banté Kuyie nnè be kó meyèmm̀è, deè te k̀è Kuyie ntããté ke deerí bèè tá tináaantì tì nàá ntì, tì d̀ò ntiẁááténáaantì bèè tì yete be borè. 22 Sifube d́ó k̀éyà tidietì, k̀è Kerekibe bie wanti mecìi. 23 Tínti me nnáá nKirisi kpéí nke bè baaké ẁè kudapãátí ìnk̀è, Sifube í d́ó de kó tináaantì, tì d̀ò ntiẁááténáaantì ntì bèè í tú Sifube be borè. 24 Bèè kó dim̀àà yie nKuyie, nSifube ǹè bèè í tú Sifube Kirisi bè benkúmu Kuyie nkó muẁerím̀ú ǹè ku kó mecìi.

25 Ke yé Kuyie ndòòri dè dòmme dɛwáátékperɛ ndɛ ke né pɛ́ɛ́tɛ benìtìbè kó mɛcìi, kù dòòri kè dè dò ndè cǐnnìmu ke né pɛ́ɛ́tɛ benìtìbè kó muwɛ́rímú.

26 N kàbɛ wénténè dimáà díndi Kuyie nyu bè. Mɛcìi nyembè nè benitidiɛbè nè bekpààtìbè bè í sũ di miɛkɛ. 27 Kuyie ntùóté kutenkù kuù nkàbɛ wùó ndè kè dè dò ndɛwáátékperɛ ke fèikùnnɛ mɛcìi nyembè, ke tùóté bè wùó ndè kè dè cǐnnì ke fèikùnnɛ bekperíbè, 28 ke tùóté bè wùó ndè ke dò ndè í tú dèmarè, bè sènkù dè ke fèikùnnɛ dɛdierè, kè dè naá ndɛtetirè, 29 kè dè bo yie kòo m̀̀ò b́́á d́́úkùnnɛ omáà Kuyie nyìkè. 30 Kuyie nkuù di taunnè Yesu Kirisi, kòo di duó mmɛcìi nke di wénkùnnɛ, ke di dɛɛ́tɛ ke di cǎ́nnè kè di tú ku kàbɛ. 31 Tì wàrimu ke tú: Kòò m̀̀ò d́́ó ḱ́énsántí omáà, ò nsántí omáà Kirisi ò dɛɛ́tɛ m̀̀è k̀̀péí.

2

P̀̀òòri do í náánnè mɛniticìi

1 N kàbɛ n kòtoo dìi m̀̀nnì di cɛ, n do í di nàké Kuyie n náàntì nè yetannò diɛyè yoo nè onìtì kó mɛcìi. 2 N do í d́́ó ḱ́é di nàké titetì matì t̀̀ì í tú Yesu Kirisi bè baaké wè kudapáátí ìnkè o k̀̀petì. 3 M bo dìi m̀̀nnì di cɛ ke dò nhocìrì nwe kè kufɔ́wáá nní nni mbo kè ò k̀̀pɛutí. 4 N do í di tiè ke di náá nKuyie nnáàntì nè mɛnàànkùò nyoo nè mɛcìi, n do náánnè Muyaánsààmù kó muwɛ́rímú mmu kè benìtìbè banní, 5 kè dè bo yie nkè di tákùmè bá nfííkú onìtì kó mɛcìi nyìnkè, m̀̀è nfííkú Kuyie nkó muwɛ́rímú ìnkè.

Kuyie nkó mɛcìi s̀̀rìmu

6 Nh ò nnáa mmɛcìi nKirisi kàbɛ bèè kpenkɛ bèmbɛ Kuyie nkó kucɛ miɛkɛ, dɛ kó mɛcìi nyí tú

kutenkù kuù nkōme yoo bèè baké be kōme, ke yé bèè baké be wērímú yóó deèmèmu. ⁷ Ti náá nKuyie nkó meciì mme mèè sòri, kù do tāāté mè kè kutenkù mu nyí bo, ke bo ti tanné ku kó tikpeti miεke. ⁸ Bèè baké kutenkù kuù mbè í banté de kó meciì, nkè bè do mme banté bè na bá mbaaké ti Yiè ntikpeti yiè nkudapāātí ìnkè. ⁹ Tì wàrimu ke tú:

Òmòu í yà dè,
òmòu í kèè tì,
òmòu í totí tì o yèmmè

Kuyie nde ndòò bèè kù dó be kpéí.

¹⁰ Kuyie nduó nkè ku Yaá mbenke tímbe ku kó disòrì, ke yé Muyaánsààmù yémèmu demou bá Kuyie nkó disòrì dièrì. ¹¹ We mbo na kényé otòu yèmmè dòmmè kè dè í tú o mómmuò, mèè botí nku òmòu í yémè Kuyie nyèmmè dòmmè kè dè í tú Muyaánsààmù.

¹² Kuyie nti duó mmùu Yaá nyí tú kutenkù kōmu, Kuyie nkōmu mmu kè dè bo yie nkè ti banté kù ti dòò dè nè ku kó mesàà. ¹³ Ti òò í nnáá Kuyie nnáañti nè onìtì kó meciì, ti ò nnáá Muyaánsààmù ti duó nti nti. Ti òò nti ntiè Kuyie nkó benitibè.

¹⁴ Wèè í mōke Muyaánsààmù ò báá na kényie Muyaánsààmù ti náá Kuyie nkpeti tì, tì ò ndò ntiwááténáañti nti o borè. Bèè mōke Muyaánsààmù beè bo na ké tì banté, bèè í mù mōke bè báá na ké tì banté. ¹⁵ Wèè mōke Muyaánsààmù wèè bo na kébanté demou, wèè í mù mōke ò báá na kóò bekénè, ¹⁶ tì wàrimu ke tú:

We nyé ti Yiè nyèmmè dòmmè?

We nkù duó nyitié?

Tínti me mmòkemu Kirisi kó meyèmmè.

3

Kuyie ntǎmbè bəmǎu bè mǎmu

¹ N kǎbe n yí di náánnè ke dǎnnè bèè kpenke Kirisi kó kuce miεke, n di náánnè ke dǎnnè kutenkù kuù nkǎbe mβε, ke yé di kraá bemmè Kirisi kó kuce miεke. ² N do di duó memiè mme, n do í di duó mmuciè, ke yé di do í yóó namè ké mù di, bá nè yíenni di báá na, ³ ke yé di kraá mǎkemè kutenkù kuù nkǎbe kó meyèmmè dèè tu yekpàrè nè mehèmmè dèè bεnkú di fǎmmu í cèètεmè. ⁴ Kòò mǎu tú: Mí ntú Pǎari kou nwe, kòo tǎu tu: Mí ntú Apodoosi kou nwe. Di dǎari ke dò mbèè í yé bεmβε Kuyie.

⁵ We ntu Pǎari ke we ntu Apodoosi? Ti tú Kuyie nkó betǎmbè mβε ke di niité Kirisi kó kuce, bá wè kòò pǐ nKuyie nyε nwèe pǐ mmùù tǎmmú. ⁶ N fiímmu, kè Apodoosi yǎare, kè Kuyie nte kè dè kòté. ⁷ Dè í tú wèè fií nyoo wèè yǎare bεè dǎd mǎmamù, Kuyie nkùù te kè dè kòté, kuù dǎd demǎu. ⁸ Wèè fií nnè wèè yǎare bè mǎmu, Kuyie nyóó yietí bá wè o tǎmmú dǎmmè mme. ⁹ Ti wε nke pǐ nKuyie nkó mutǎmmú mmu kè di tú Kuyie nkó kupaku, ke dò nKuyie ncǐètè kó imarí. ¹⁰ Kuyie nkuù n duó kè n dò mbεmaribè kóo kótì ke pǔūtè kè betǎbè sǎkù, bá wè ò né ndake ò maà mèè botí. ¹¹ Dipǔū dǎu nke dèemu dii tu Yesu Kirisi, òmǎu báá na kεpǔūtè diteri marí. ¹² Dipǔū dimáà ñnkè bεmabè maàmumu nè timátì péitì, kè betǎbè maà nè mesǎo, kè betǎbè maà nè yetásàayè, kè betǎbè maà nè ideí, kè betǎbè maà nè timútì, kè betǎbè maà nè tiyontì. ¹³ Bá wè ò maánè dè bo feitè Kuyie mbeénti yiè, kè kùu dè yàáké nè

muhǎǎ. ¹⁴ Wèè maá dipũũ ìnkè kè muhǎǎ nyí còúté o kperε, de yiè mbo péte tícuuti. ¹⁵ Kè wèè kperε me ncòúté, ò báá péte tícuuti, ò né yóó cootému kè dè né ndò nhò yenté muhǎǎ mmieke ke yè.

¹⁶ Di í yé ke dò ndimou di wē nkétú Kuyie nkó tɛɕĩtè nte kè Muyaánsààmù bo di miεkaá? ¹⁷ Kòò mǎu kùo Kuyie ncĩtè Kuyie mbo ò kùo múнке, ke yé Kuyie ncĩtè dòmmè páíí nwe kè di wē nke te ntú.

¹⁸ Òmǎu bá nsou nhomáà, wèè yèmmè dò nhò cii kutenkù kuù nkó meciì wèè yei nkè dèe yie nkòo péte meciì mómmǎmmε. ¹⁹ Ke yé kòò mǎu yèmmè dò nhò cii kutenkù kuù nkó meciì Kuyie nhò wúo nkuyènkù nku. Ti wàrimu ke tú: Kuù duò nkè meciì nyembè cii mbè pĩ. ²⁰ Kè titeti wàri ke tú: Kuyie nyému meciì n yembè yeñtotí. Kù yému ì tùmè detetirè. ²¹ Òmǎu tũ mbá mpǎti ò wéñnèmè yie nyoo yie, bεmou bè tu di kǎbe mbe. ²² Pǎwàà, Apodoosàà, Pieràà, kutenkàà, mufòmmaà, mukũũnáà, demou dè tu di kperε ndε, ²³ kè di tú Kirisi kǎbe kè Kirisi tu Kuyie nkou.

4

Kirisi kó yetǎrè

¹ Di dò nké nti wúo nKirisi kó betǎmbè mbe ò duó nkè bèè náà nKuyie nkpeti tii sòri. ² Bè bèkú tì otǎnti tu ò bo mpĩmmè o tǎmmú weti weti. ³ Mí nkpeí kè díndi yoo kutenkù kuù nkó kubeéndieku makù bo m bekénè, dè í n kǎónnè, n yèmmè me mmúnke í m bekùnè. ⁴ N né í yé n wenni páíí, n Yiè nweè tu n kóo beénti. ⁵ Dεè kpéi nte kè n tu di bá mbekùnè òmǎu kè dimǎnni mu nyí tùòke. Mbaanè ti Yiè mbo

wētenímè, weè yóo fei ndèè kó dimàà do sōri demou, kédenneni dèè kó dimàà bo benitibè yèmmè mieke, kè Kuyie nsānte bá wè ò mǎnnè dīi sānni.

⁶ N tùóté mí nnè Apodoosi ti kó medonnimè kè dè bo di teennèmu kè di banté dináañhāntírì dīi tu: Òmòu báá sénté tīi wàri. Òmòu tū mbá ndéúkunko omáà yoo Kuyie nkóo tōnti mǎu ke kékunko otòu. ⁷ Dè dōmmè kè di déúkunko dimáà? Di mǎke dè Kuyie nkuu í dè ndi pǎà? Kè kuu dè ndi pǎ, ba nte kè di pōti ke dò ndīi dè wáá nnè dimáà.

⁸ Di yèmmè dò ndi yǐtému kè dè sǎnnè kè di kpenke ke baaté, dè í dò mmemme, n né báámmu Kuyie nke dó dèe mè dǎò kè tí wēnné kébaaté. ⁹ Dè dò nKuyie ntùóté tínti ku kó betōmbè mbè ke dǎò kuyóu kǎbe, kè ti dōnnè benitiyeibe bè dó kékuo bè, benitibè bemou nè Kuyie ntōrè de ìkè. ¹⁰ Ti naá ntiyeinti nti Kirisi kpéi, Kirisi kpéi nkè díndi ciité, kè ti cīnni kè di kpeñni, kè bè ti sènkú ke di sánti. ¹¹ Mómumu nwe nè yíenni ti fēūrímè nè dikōnni nè sinéyēi, ke kpa tiyààti, kè bè ti fēũnko, kè ti áánte tipūti timou ke kpa ti ā dè ¹² ke pī mmutōmmú ke yonnè, kè bè ti sáá nkè ti bè pǎa nKuyie nkó mesàà, kè bè ti fēũnko kè ti mi, ¹³ kè bè ti náá ntiyeiti kè ti bè tēnnìnko tisààti, kè bè ti wúo nkutenkú kuu mmieke ke dò ntiyonti nè desīntékpere bè útóo dè.

¹⁴ N yí tì ndi wàri ke bo di ānné ifei, n tì ndi wàri ke bo di tiémmu díndi m bí n dó ì. ¹⁵ Bá kè di mǎòte bèè di baké kè bè tūòke tekoupiíítè (10000), mī tu di cice ke yé mī di nǎkémè Tináañsààti ke di benke Yesu Kirisi kó kuce. ¹⁶ N di náámmu n tūnne n kó meborime. ¹⁷ Dèè te kè n di duónko m birè Timōntee n dó wè mediè kòò tū nti Yìè nYesu kè dè wenni, kòò

bo di dentε n tũ mmèè botí Kirisi κε mè tiè nKirisi kòβε tĩrè yeməu.

¹⁸ Bèmabè di miεke məke sifeí nsi kè be yèmmè dò n yí kəroo di ciε. ¹⁹ Kè Kuyie ndó n kəroomu κε bo yà de kó sifeí yembè, kέyà nsà kè bè nàánnè be nò mää yoo bè dđđri tĩmatĩ. ²⁰ Kuyie nkprààtiyyu í tú munúbémmù mää, di tu nè mεdəđrĩmè mme. ²¹ Di dó nnĩ nkəroo di ciε κε tə didáu ndià? Yáa di dó nnĩ nkəroo κε di dó κε yəđ?

5

Meyi mmèè dđđri Kirisi kòβε cuokè

¹ N yomu bè nàámmè tipĩtĩ timəu di borime í wennimè. Kè di dəđri bá bèé í tũ nKuyie mbè í dəđri dè. Bè tu òməu dəutinè o cice pokù. ² Nè mεmme kè di kpráa məke tefentè, dè do dò ndi yèmmè mεè caàrè kè di beti de kóo nĩtĩ di cuokè. ³ Mĩ n kpréi, bá n yí mε ndi bonèmmè, n yèmmè di bonèmu kè n dié nke bekénè de kóo nĩtĩ. ⁴ Di tíi nnè Yesu kó diyètĩrĩ, n yèmmè nè ti Yiè nYesu kó muwērímu dè yó ndi bonèmu. ⁵ Kè di ò duó ndibəđ, kòo kđntĩ kú kòo wēnnĩ cooté tibeénti yiè.

⁶ Di í dò nkénsāntĩ dimáa di wennimè, κε yé mutie mùu muuti pēē mù ɔɔ mmamè sām̀p̀d nwe kè tipēēcootĩ múútĩ timəu. ⁷ Deitenè mutie mùu muuti pēē di miεke kéntú tipēēcootĩ pàntĩ, κε yé bè kùəmè Kirisi wè tu diyentēbanni kó fepièfè ti kpréi. ⁸ Nè dè kpréi nyóunè kè tí mbaànnè pēē wèè í kəərenè mutie mùu muuti dèè tu ti bo nwennimè κε nāá ntimóm̄m̄nti, kέyóu pēē wèè kəərenè mutie mùu muuti dèè tu tidənnitĩ nè mufòm̄mu yeimu.

7 Kè di màke tìmatì nè ditòbè deè benkú di yĩ̀kè m̀. Di níí na mmimmu bè di d̀òri dì m̀nnì m̀yeyi, nkè bè yùúkú di kperè di yóu kè d̀e yeyi. 8 Dì pètinkè d̀òri m̀yeyi nke yuuku ditòbè. 9 Di yému ke dò mbèè borime í wenni bè í tati Kuyie nkpààtìyuu. Di bá nsóu ndimáà: Bèè fòu mufòmmu muymimu nè bebòféúbè nè bèè d̀uti d̀utinè betòbè, nè bèè d̀òrite isòke: Benitidaabè bèè d̀unè bedatòbè nè benitipòbè bèè d̀unè bepotòbè, 10 nè beyóóbè nè bèè duó mbe yèmmè idíítí nè tinaàyã̀tì nè bèè càari betòbè yètè nè yeyoyóókperè. Bembe kó dimáà í tati Kuyie nkpààtìyuu. 11 Di mièke bèmabè do tú bèè nìtìbè botí kè Kuyie ndi c̣ě ndi yeyi, nke di cànné kè di tú ku kòbe, kè kù dì wénkùnnè. Yesu weè te kè Kuyie mmè d̀ò nè ku Yaá mmieke.

Kirisi kou bo na k̀nd̀òri ò d̀ràà?

12 Bèmabè di mièke tú d̀marè í ci, mómumu nwe, demou dè né í ti d̀òri mesàà. N yí ci d̀marè n né í yóó yie nkénaá ndèmarè kó kudaakù. 13 Di tú tidiitì bo dipitiri kpéi nke kè dipitiri bo tidiitì kpéi, mómumu nwe, nè memme Kuyie nyému dedé de mànku tik̀ntì tii me nyí bo di bo nd̀uti d̀utinè m̀è kpéi nditòbè, tì bo ti Yiè nKuyie nkpéi nke, kòò tì te. 14 Kuyie kùu te kè ti Yiè nyànté kuù kó muwèrimú yó nte kè ti yànté múnke.

15 Di í yé ke dò ndi k̀ntì tu Yesu kpèti ntaà? M bo túóté n k̀ntì kéduó nhonitipòkù wèè d̀uti d̀utinè benitidaabàà? Bitì bitì! 16 Di í yé ke dò kòò nìtì duónè onitipòkù wèè d̀uti d̀utinè benitidaabè bè naá tik̀ntì tì máà ndià? Ke yé ti wàrimè ke tú: Bedé

di me nyí yóó na ke pĩ ndimáà, puokenè kéyenke, kè dèè tǔñè di bo ndómè kè dè di tuò.

¹⁰ Kirisi kàbe bèè po nè bèè ye, n yóó mè mbéi ndiì nùù í tú n kperi ti Yiè nkperi ndi, wèè ye nhò báá yete o dǎu. ¹¹ Kòò me nhò yete ò nkóké. Onitidù me nyí dò nkébeti o pokù.

¹² Díndi betǎbè (n yóó di náké tì í tú ti Yiè nkpeti, n kpeti nti) kè Kirisi kou mǎu po wèè í yie nKirisi kòò dǎ ké nhò ye nhò báá ò bèti. ¹³ Kòò nitipòkù wèè me ntú Kirisi kou ke ye nwèè í yie nKirisi kòò dǎ ké nhò po ò báá ò yete. ¹⁴ Ke yé onitidù wèè í yie nKirisi ò tǎkénèmè Kuyie nnè ò pokù kpéi, kòò nitipòkù wèè í yie nKirisi kòò tǎkénè Kuyie nnè o dǎu kpéi, kè bè me nyàte be bí bo déténè Kuyie nke né do kù tǎkénè. ¹⁵ Wèè í dǎ Kuyie nkè wèè yete wèè dǎ Kuyie nwèè wè yóu. De mǎnni dèmarè ténke í bè tàunko. Kuyie ndi dèeté kè di bo nfòu diwèi mièke nke. ¹⁶ Onitipòkù, a bo yíme kényé ke dò nha bo dèeté a dǎu? Onitidù a bo yíme kényé ke dò nha bo dèeté a pokù?

Bá wè wèe yie nho fǎtìrì

¹⁷ Kè dè í tú m mè mbo ke náá ntì ìnkè, bá wè wèe yie nho fǎtìrì Kuyie nyóó ò dèeté kòò bo di. Tiñti n tièmmè Kirisi kàbe bemǎu. ¹⁸ Kè Kuyie nyóó da dèeté ke sǎ nkàa cǎnté bá nsǎrì kàa me nyí cǎnté bá ntú a bo cǎnté. ¹⁹ Kàa cǎnté yoo a í cǎnté de kpeti í bo, a bo nyíèmmè Kuyie nkuó dèè wenni. ²⁰ Bá wè wèe mbo Kuyie nyóó ò dèeté kòò bo di fǎtìrì kéntũ nKuyie. ²¹ Kè Kuyie nyóó da dèeté ke sǎ nha tú kudaakù bá nyǐèkù. Kè kuce me mbo a bo yímè ke ténke bá ntú

kudaakù á yè. ²² Kε yé wèè do tú kudaakù ò tiekemè omáà Kirisi kó metaummè miεke, wèè do te omáà kòo naá nKirisi kó kudaakù. ²³ Kuyie ndi dontému ke yietí kudonku diékù, ténke bá naánnè benitìbè kó tidaatì. ²⁴ N kàbe bá wè ò mbo Kuyie nyóó o deeté kòo bo diì fòtìrì ké nkù tũ.

Bèè kóké nè bekúpobè

²⁵ Bèè í po nè bèè í ye, n yóó mè mbéi ntì í tú ti Yiè nkpeti, mí nKuyie ndòò wè mesàà mmũ yèmmè mè dò, kè di bo na kéyie n kpeti.

²⁶ N yèmmè dò nti mè mbo yèè mòrè yeyiye miεke, dè wennimu ke dò nhonitì mbo o fòtìrì. ²⁷ Kàa mòke a pokù, a báá yí a bo ò bèti, kàa me nyí mòke, a bá nwanti képuoke. ²⁸ Kàa po a í dòò meyei, kàa me nye nha í dòò meyei. Bèè po nè bèè ye mbè yó nháárìmu, deè te ke n yí dós di ta meháárìmè miεke.

²⁹ Nte n duò nyii tié: Dimònni kùpému, bèè po, bèè ndò mbè í po. ³⁰ Bèè kuò mbè bá ndakenè yedabùò, bèè yànkù bè bá ndakenè tiyānkùtì, bèè do mbè bá ndakenè mudommu. ³¹ Bèè mòke tikpàtì bè bá ntì dàkenè, ke yé kutenkù autémè ke bo deè.

³² N dós ké di deeténnè iyentotí nyi, wèè í po ò ò ndakenè ti Yiè nkó mutōmmú mmu, ke dós kédòò ti Yiè ndós dè. ³³ Wèè po kòo ndakenè o cīētè kó mutōmmú, ke dós kédòò o pokù dós dè. ³⁴ Kòo yèmmè bo tipīti tidé. Mèè botí nku onitipòkù wèè í ye nnè osapàà nwèè í ye mbè ò ndakenèmè ti Yiè nkó mutōmmú, ke dós kénwenni be kōnti nè be yèmmè. Wèè me nye nhò ò ndakenè o cīētè kó mutōmmú mmu ke dós kédòò o dòu dós dè.

³⁵ N yí di dǎarinè muwērímú, n dǎ kǎ di teennèmu kǎ di mbo kǎ dǎ wenni, kǎ taunè Kuyie nke pǎ nku tǎmmú.

³⁶ Kòd mǎu wǎá ndipocǎnni kǎ sǎ ndi dǎ kǎpǎēté di túdǎrè, kòd dǎ kǎ di túóté, kǎ di túóté, wǎ í cǎàrè.

³⁷ Kòd mǎu mǎ ntotí o yǎmmè weti weti, kǎ bo na kǎmpǎ nhomáà, kǎ bǎá túóté o pocǎnni, wǎ í cǎàrè.

³⁸ Wǎè túóté o pocǎnni ò dǎdǎ kǎ dǎ wennimu, kǎ wǎè í túóté kòd kǎpǎrǎ dǎkǎ wenni.

³⁹ Onitipòkù wǎè ye nhò taunè o dǎu nwe bǎ fòmму mumǎu miǎkǎ, kòd dǎu mǎ nku ò bo na kǎyǎnkǎ ò dǎ wǎ kǎ dǎ yǎ ncǎnkǎ tú Kirisi kou. ⁴⁰ N yǎmmè dǎ nkòd í wǎtǎ kǎ yǎnkǎ dǎ dǎkǎ bo nhò naati. N yǎmu kǎ dǎ n nǎá ntǎ Muyaánsǎàmù muù tǎ nni nduó.

8

Iwũṣ bè fié ì yebǎkè

¹ Di mǎ nni mbekemè di bo nhǎmmè iwũṣ bè fié ì yebǎkè ì kó imaa.

Timǎu ti tǎ yǎmu. Dǎ kó mǎyǎtǎmè botǎ né ǎǎ onitǎ nwe tǎfǎntǎ, a bo ndómè otǎu dǎè ti kpǎnkũnko Kuyie nkó kucǎ miǎkǎ. ² Wǎè yǎmmè dǎ nhò yǎ dǎmarè ò mu nyǎ yǎtǎ ò dǎ nkǎnyǎ kǎ dǎ mǎmè.

³ Wǎè dǎ Kuyie, Kuyie nwe nyǎ.

⁴ Di m beke kǎ tú: Ti bo na kǎncǎá nyiwũṣ bè fié ì yebǎkǎà? Ti yǎmu kǎ dǎ nyebǎkè í mannè Kuyie. Kuyie mbo kumǎà ndi. ⁵ Bá kǎ benitǎbè yǎmmè dǎ nKuyie nyǎ bo kumǎà, kǎ dǎtǎrè marè bo kǎ kù mǎnnè, kǎ mǎkǎ muwērímú kǎĩnkǎ nè ketenkǎ. Kutenkù kumǎu miǎkǎ yebǎkè bomu kǎ benitǎbè tu

³ N ti nténnìnko bèè n wátìrì. ⁴ M pĩ mùù tōmmú í dò di nni nduò kè n yo nke yānnàà? ⁵ N do í dò nkém̄m̄ok̄e m pokù wèè tu Kírìsi kou kè ti neitaà, Yesu tōrè nè o neí nè Pìeri bè dōmmaà? ⁶ Mí nnè Bannabaasi tĩ máà dò kēmpĩ mutōmmú ke yonnè, kè di teénnè betòbàà? ⁷ We nhāāpòntì piú omáà? We nfiiku detie nke í yo nde be? We ncēm̄m̄u inààke ke í yō nyì miè?

⁸ Di yèmmè bá ndò n náá nke wetí kutenkù kuù nkpeti máà. Tì wàrimu M̄oyiisi kó ikuó miēke ke tú: ⁹ Báá táú nfenàáfè nùù fē puòtì dì mōnnì tidiitì, Kuyie nkuó nyinààke nyi mesém̄m̄àà? ¹⁰ Tì nàà ntĩ kpéi nke, ke tú, wèè kùútì tidiitì nè wèè tì puòtì bè dó mucōntim̄u mmu bēdē. ¹¹ Mí nwèè di duó ndi wērè kó mudìi di bo n duómmè tidiitì dèè di yonkaà? ¹² Kè di teénnè betòbè, n do í dò nké di beke kè dèe pēsté be kperàà?

M pètìnke duó m máà ndi kè dèmarè báá dítinnè Kírìsi kó Tináaṅsààtì. ¹³ Di í yé ke dò mbèè pĩ nyikuó tōmmú Kuyie ncīfètè miēke bè de nyonnè, kè bèè feu iwũṅ diwũṅtānni ìnkè kè bè m̄ok̄e be kó imaanàà? ¹⁴ Mēm̄m̄e Kuyie mbéimmè ke tú bèè náá nKuyie nnáaṅtì bè tì náá mbè, mbè duò nke bè yo.

¹⁵ Mí n yí beke dèmarè òmòù, bá m mè ndi wāũmè dipátiri n yí dó di n duó ndèmarè, kè n ku nè dikònni dè tōūnè m bo m̄om̄è kécake n yètìrì. ¹⁶ M báá na kényóu Kuyie nnáaṅtì ke yé Kuyie nkuù ti nni nduómmè, kè n yí dòò mēm̄m̄e Kuyie mbá n yóu. ¹⁷ Kè m pĩ nde kó mutōmmú nè diwèi, Kuyie mbo n yietí, bá kè n yí dó ké mù pĩ, n dò nké mù pĩr̄m̄u ke yé Kuyie nkuù mù nni nduómmè. ¹⁸ Dende tú n kó mutōmmú kpamu tiyetaà? Ǽ, n kó tiyeti tú

diwèi ndi nè m bo nákéme Kuyie nnáànti fààrè ke báá còuté tiyeti n do dò nkécòuté ti.

¹⁹ N temu m mǎà, n yí tú òmǎù kó kudaakù, ke né duó m mǎà ke tú benìtibè bemǎu kóo tǒntì, ke bo yǔǎnní kusǔkù Kirisi kó kuce miεε. ²⁰ Nh ã mbo Sifube cuokè ke dǎòri bè dǎòrimè mme, kè bè tǔ nyikuó, nní nyì tǔ ke bo yǔǎnní kusǔkù Kirisi borè. ²¹ Kè m bonè dìi mǎnni bèè í tú Sifube, bèè í yé Mǎyiisi kó ikuó be cuokè, nní ndǎòri bè dǎòrimè, ke dò n yí mǎke ikuó ke né tǔ nKirisi kó ikuó. ²² Kè m bo bèè mu nyí kpenke Kuyie nkó kuce miεε, m̀ bè ènne n m mǎà, kè bè yǔǎnní Kirisi borè. M mè dǎòri memǎu kè dè bo yie nkè n deetè bèmabè mbe. ²³ N dǎòri memme ke bo pitè Tináaṅsààti nti, kè tí wǎnné kètóté ti kó ticuuti.

²⁴ Di yému ke dò mbèè betí muceé mbè ã ncokù kòò mǎà weè pété tiyeti. Ncokùnè mesàà nképété tiyeti. ²⁵ Bèè dó kébeté muceé mbè ã keté kémbéú kè dè yóumu, kè bè mǎke bè ci dè péu. Bè wanti képété ketenkè kie nkó tiyeti nti, tìi í mǎnni, kè tínti wanti képété keĩnkè kó tiyeti tìi yó mbo sǎǎ. ²⁶ Dè te kè n cokù ke yé m beti dè, n yí sǒnté ke puòti detetirè. ²⁷ N fěũnko m mǎà ndi weti weti ke pĩ n kǒnti mesàà nke yǐkù m bo nákéme betǎbè Kuyie nnáànti kè Kuyie nné n dootóo.

10

Di bá ndònnè Isidayεeri kǎbe

¹ N kǎbe n yí dó di yè nti yembè do kéréimè dikpáà cuokè kè diwetiri bè ni, kè bèe sénté dàmmèrì tipènti kou. ² Ti bo na ke dò bè ãnné bàtémmù diwetiri

miεke nè dàméèrì miεke, bè yié mmèè kpréi nke tũ Mòyiisi. ³ Kè bèè di bεmou mudii mùù duòní keĩnkè, ⁴ káyà bεmou Kuyie mbè duó mmèè nie, mèè yìèní dipèrì. Dε kó dipèrì do bεnkú Kirisi nwe. ⁵ Nè mεmmε Kuyie nyí mpénsirì bèmabè bε miεke kè bèε kú dikpàà miεke.

⁶ Dè dđò mεmmε ke bo bεnke tímbe kè ti bá mbè dònne kéndó meyi nkó mudòrimù. ⁷ Di bá ntũ nyebòkè, bε miεke bèmabè do dómme. Ti wàrimu ke tú: Kè bèè di káyà menaà nkéité kénhau. ⁸ Di báá ndouti dautinè ditòbè, bε miεke bèmabè do mε ndđò kékú sikoupirísidé nè sikoupirísitāati (23000) diyie dimáà miεke. ⁹ Di bá nyíinko Kuyie mmiεke, bèmabè bε miεke do mε ndđò kè iwààkke bè dómμú kè bèε kú. ¹⁰ Di bá nséi nKuyie, bε miεke bèmabè do mε ndđò kè Kuyie ntōnní ku tōnni dii kòu kè dii bè kùò.

¹¹ Dè mè dđò kè bè ti wàri ke bo bεnke tímbe yemòrè sonye yìè nkòbe. ¹² Kè dè tũ ndò mεmmε, wèè yèmmè dò nhò còmμú wè nyé kòò báá do. ¹³ Mεbennímè mamè í di tuòkùnì betòbè í yémè. Kuyie mbéi ntì kù tì dòrimu, kù í yóó yóu kè mεbennímèε pēēté di wērímú kè mè di tuòkení kuù yé kù yóó yīmè ké di mè na káyè.

¹⁴ N kòbe n di náámmu, bá ntũnnè yebòkè. ¹⁵ N di náánnè ke dònne benitìbè bèè ciì bèmbe. Wénténè di mómmòmbε n di náá nti. ¹⁶ Ti òò sante Kuyie nkáyà fèè bòòfè fèè bεnkú ti wēmme Kuyie nkó mesàà nti pètémè nè Kirisi kó mukũ mmiεke. Ti wèrí dii mōnni pēè ke cáá ndè bεnkú ti wērímme mme Kirisi kó tikònti miεke. ¹⁷ Ti òò nyóó wéri pēè kòò wērímμu, dè mε ndò nè Kirisi kòbe, bá kè ti sũ, ti wē nhonitì omáà

ndi. ¹⁸ Wénténè Isidayεεribε kó meborime, bèè càá nyiwũõ bè feu ì Kuyie mbè kù tàunèmu.

¹⁹ Dè í me ndò nè imaa nyì fié yebòkè, imaa nyoo yebòkè dè í mαke muwērímú mamù. ²⁰ N né dó ké di náké tì tú: Kè imaa mbè fié ì Kuyie mbè tàunkonè Kuyie, meè botí nku imaa mbè fié ì yebòkè bè tàunkonè mē yebòkè. N né í dó òmòu di miεke ntaunè dibòò. ²¹ Di báá na kényà ti Yiè nkó febòòfè nè yebòkè kafe, di báá na kèdi ti Yiè nkó mudii nè yebòkè kōmu. ²² Yáà di dó kèíi nti Yiè nkó kemieke nke? Di yèmmè dò ndî kpeñni kóo pēštáà?

Dèmarè í ci, demòu dè né í dɔari mesàà

²³ Bèmabè di miεke tú: Dèmarè í ci! Mómmuo, demòu dè né í ti dɔari mesàà. Dèmarè í ci, demòu dè né í ti teénnè Kuyie nkó kuce miεke. ²⁴ Òmòu bá nwanti omàà kó mmucšntimu, ò pètinke nwanti otòu bo cšntemè mme.

²⁵ Di bo na kèncáá mbè fiiti ì maa ndikàtìrì kè di yèmmè bá ndi bekùnè. ²⁶ Tì wàrimu ke tú: Ketenkè nè dèè kó dimàà bo ke miεke, ti Yiè nweè dè te.

²⁷ Wèè í tũ nKuyie nkòo di yu mudii kè di kòte, dí di bè di duó ndèè kó dimàà, di yèmmè bá ndi bekùnè.

²⁸ Kòò mòu me ndi náké ke tú: Bè fèúté i mmaa dibòò ndi. Di báá di, dè yàà bo kàkénè mē wèè di náké. ²⁹ Dè í tú n yē dî kó meyèmmè yó ndi bekùnè, wèè me ndi náké o kpéi nke.

Kè dè yèmmè òmòu bo yĩ otòu kpéi mbá nte kè n yóu n dó kédòò dè, ³⁰ kè n sante Kuyie mmudii kpéi nke yo, nhòmòu báá na ké n sei.

³¹ Kè di yo nyoo di yš, di dɔari dèè kó dimàà dè ndéúkunko Kuyie nyètìrì. ³² Di bá ndɔari dèmarè dèè bo bə nhotòu, Sifu yoo wèè í tú Sifu yoo Kirisi kou

mòu. ³³ M mómumu n yí wanti n kó kuyèhnaatí, n wanti betàbè kòku nku, kè dè bo yie nkè bèe cooté.

11

¹ Ntūnne n kó meborime, kéndònnè m mómumu n tūnnemè Kirisi kōme.

Onitipòkù nè onitidàù bè bo ndòmme bè báá ndii m̀nni Kuyie

² N di sántí di yémè n kpéi nyemàrè yeməu nè di tūnnemè itié n di duó nyi. ³ N né dós di nyé tì tii tú tii: Kirisi wèe baké benitidaabè, kòo nitidàù baké onitipòkù, kè Kuyie mbaké Kirisi. ⁴ Dèè kpéi nte kòo nitidàù bàá nyoo ò nàá nKuyie náahtì ke óké dèmarè ò sènkèrì Kirisi nwe. ⁵ Kòo nitipòkù me nyí kánkè o yuu ò bàá ndii m̀nni yoo ò nàá nKuyie nnáahtì ò sènkèrì o d̀u nwe dè í cáánnè ò bo kuómè meyubii. ⁶ Kòo nitipòkù í dós kénkánkè o yuu wèe kuó, kè ifei me nhò bonè ò bo kuómè wè nkánkè o yuu. ⁷ Onitidàù í dò kénhókè dèmarè ke yé Kuyie nhò d̀mè kòò bo nkù dònne mu ke kù déúkunko, ke d̀ò onitipòkù kòò bo ndéúkunko o d̀u. ⁸ Kuyie nyí tùóté onitipòkù kó diwétiri ndi ke d̀nnè onitidàù, kù tùóté onitidàù kperi ndi ke d̀nnè onitipòkù. ⁹ Kuyie nyí d̀ò onitidàù onitipòkù kpéi, kù d̀ò onitipòkù nwe onitidàù kpéi. ¹⁰ Dèè te kòo nitipòkù dò nkénkánkè o yuu, kè dèe benke Kuyie ntòrè ò yem̀mè. ¹¹ Kuyie mborè onitidàù nè onitipòkù bè í cáá, ¹² kéndònnè onitipòkù yènnimè onitidàù borè, mèe botí nku onitipòkù peimè onitidàù. Bèdè kè bè bohni Kuyie mborè.

¹³ Díndi wúó nkè dè wenni onitipòkù bo mbáámmè Kuyie nke í kánkè o yuuà? ¹⁴ Ti kó

mèborime miéke dè dò nyifei nyi onitidòù yùtì bo nhokùmè, ¹⁵ ke tú diyètìrì onitipòkù yùtì bo nhokùmè. Ke yé Kuyie nkuù tì nhò duómme kè tì bo nhò kánké. ¹⁶ Kòò mǎù dǎ kè tì yete, wè nyé ke dò mmí nnè Kirisi kǎbe tǎbè tì í mǎke de kó mèborime.

Kuyie nkó mudii

(Wénté Matie 26:26-29 nè Mariki 14:22-25 nè Duku 22:15-20)

¹⁷ N dǎ kè di kpannèmu. Di tiku mǎè tímmè ke yo nKuyie nkó mudii, mǎ í di dǎrì mǎsǎà, mǎ pètínke di caàrimu. ¹⁸ Bè n nǎké ke tú di ãã tíí nkè metotímè mbo di cuokè, kè n tì yie ndikéè. ¹⁹ Metotímè ã nWennimu mǎnnì mari, kè bè bo banténè bèè kéri kuce sǎàkù nè bèè yeté. ²⁰ Di ãã tíí nkényo mmùù dii í tú Kuyie nkǎmu. ²¹ Di ãã tíí mbá wè kòò nyo nho kó mudii mmu, wèè kpa kòò kàri dikònni kè betǎbè de ndi ke sǎnnè, kényǎ mǎnaà nkémuó. ²² Di í mǎke di cǎi di bo nyommè ke yǎ ndi naànàà? Yáà di sènkèrì Kirisi kǎbe tǎnni ndi, ke dǎ kéfeikúnne bèè kpa be kperè? Di dǎ n di nǎké ònti? Di dǎ n di sǎntemaà? Bìtì! M báá di sǎnte.

²³ Nténè ti Yiè nni nnǎké ì tié kè n yi ndi tùo: Bè yóó pǎ nkèè yènkè ti Yiè nYesu, kòò túóté pǎè, ²⁴ kémǎ Kuyie nkó mǎsǎà nkóò wèrí kéduó nho tancòumbè ke dǎ: We mpǎè weè benkú ke dò m pǎ n kǎnti di kpéí. Nǎdǎrinè mié nke denniní n kpéí. ²⁵ Kè bèè cááké kédeè kòò túóté febòòfè kè bè duó nke dǎ: Fe mbòòfè fèè benkú ke dò n yǎ mmèè yó nte kè metaummè pǎmmèè dǎ. Nǎdǎrinè mié nyemǎrè yemǎu ke denniní n kpéí. ²⁶ Di cáá ndii mǎnni

de kòò pḗḗ ke yḗ nde kó febòòfè, di náá nKirisì kú mèmme di kpéí. Di yó mme nhḥ kòò yàa wḗtenní.

²⁷ Deè kpéí nte wèè bo cááké ti Yiè nkòò pḗḗ kḗyà o kó febòòfè ke í mannè, ò yeténè ti Yiè nkó tikònti nti nè o yī. ²⁸ Bá wè ò níí wénté omáà mesàà, ke né na kécááké ti Yiè nkòò pḗḗ kḗyà o kó febòòfè. ²⁹ Ke yḗ wèè bo cááké de kòò pḗḗ kḗyà de kó febòòfè, ke í bàte ò ce nhomáà ndi Kuyie nkó tibeénti. ³⁰ Deè kpéí nte kè bemuambe sū di cuokè nè tihùtì, kè besūkùbè ku. ³¹ Kè ti bekùnè timáà, Kuyie mbáá ti bekénè. ³² Kuyie nhḥ ti bekénè ké ti tié, dè bo yíémmè mme kè kù báá ti wḗnnénè kutenkù kḗbe kékpetínné.

³³ N kḗbe kè di níí tìi nke bo di Kuyie nkó mudìi, mbaanè ditḗbè. ³⁴ Kè dikònni níí bo wè wèè diní o cīḗtè kè di níí báá tíi kénce nKuyie nkó tibeénti. Kè n kàtoo dìi yìe m bo tūnte tìi kpaá.

12

Muyaánsààmù kó mutḥmmú

¹ N kḗbe n dó di bantému Muyaánsààmù pā yèè pā̀rè benitìbè.

² Di yému ke dò ndi mu ndo í tū ndi mḥnni Kuyie kè yebòkè yèè di yḥnti kè di feu sitenkaanli sīi í nḥ nke náá. ³ Kè Muyaánsààmù bonè onitì ò báá na késáá nYesu, kòò mḗu yī Yesu tú o Yiè ndè bonní Muyaánsààmù mborè nde.

⁴ Muyaánsààmù bo mumáà ndi, kè mu pā̀rè sū mù mpā̀ nyè. ⁵ Kuyie ntḥmmú sūmu ke tú Kuyie nkumáà kó mutḥmmú. ⁶ Ti bo mpī mmèè botí Kuyie ntḥmmú mè sūmu Kuyie nkumáà kuù né mè nti benkú. ⁷ Kè Muyaánsààmù pā wè dìi pā̀nni

dì ntú timòu kó mesàà. ⁸ Muyaánsààmù òõ pāmu òmòu mecii nkó tináaàntì, kèpā otòu meyĩéítimè kpeti, ⁹ kèpā otòu metákùmè, kèpā otòu kòo mmiekùnkò bemuəmbə, ¹⁰ kèpā otòu kòo ndəəri tidietì, kèpā otòu kòo nnáá nKuyie mpāānāaàntì, kèpā otòu kòo nnə nke baàtì Muyaánsààmù kpeti nè yebəkè kpeti, kèpā otòu kòo nnáá tináaàncàntì, kèpā otòu kòo nnə ke tì tònko. ¹¹ Demòu memme Muyaánsààmù kó mutōmmú mmu muù pāā nyepārè kè yè cǎǎ ncǎǎ mmù dó mēè botí.

Onìti omáà itùòti péu

¹² Onìti bo omáà ndi ke məkè itùòti péu, Kirisi kəbe kperè me ndò, kè bè sū ke né wē. ¹³ Timòu tínti Sifubə nè bèè í tú Sifubə, tidaatì nè bèè í tú tidaatì, Muyaánsààmù mmuù ti taunnè Kirisi bè ti ānné dī mōnnì bàtémmù ke pī mmutōmmú timòu ti miəke.

¹⁴ Kutùòti kumáà kuù í tú onìti, ì sūmu. ¹⁵ Kè tenaàcètè yete ke yĩ tē í tú tenòutè, tē í taunnè tikǎntì. Tè báá na, tè baà tú tikǎntì nti. ¹⁶ Kè ditoò yĩ dì í tú fənənfè, dì í taunnè tikǎntì. Dì báá na, dì baà tú tikǎntì nti. ¹⁷ Kè tikǎntì timòu do ntú fənənfè nfe kè ditoò í bo ti yĩme kényo? Kè ti me ndo tú ditoò ndi kè dihōnnì í bo ti yĩme kényo kunóú. ¹⁸ Dèè te kè Kuyie nhānné itùòti onìti kunku Kuyie nkù dó mēè botí. ¹⁹ Kutùòti kumáà báá na kéntú onìti. ²⁰ Itùòti péu ì wēnné ke tú onìti.

²¹ Fənənfè báá na kénáké tenòutè ke dò: M bo na m máà, bá kàa í bo. Dīyuu me mbáá na kénáké sīnaàcèi ke dò: M bo na m máà bá kè di í bo. ²² Onìti kǎntì kperè dèè kēñnì, dèè kó mutōmmú pētinke de. ²³ Onìti kperè dèè í dò nkéyà, ti de nyárí ke dè daati tiyààtì. ²⁴ Kè itùòti tēi bo ti í sərì ì, Kuyie

nhānné bá kùù tùòti nè ku tōmmú mmu, kè tikònti kperε ti sàri dè kó mutōmmú pēēté itùòti tɛi kōmu. ²⁵ Kutùòti kumáà báá na kɛpí mmutōmmú imou ì dō nkénteénnè itòbè mbe. ²⁶ Kè kutùòti kumáà fěũrì, itèi ò nfěũrìmu, kè dè kù naati, dè nnaati itèi.

²⁷ Dimou di tú Kirisi kó tikònti nti, bá wè kòò tu kutùòti. ²⁸ Mèè botí nku Kuyie nhānnémè Kirisi kòbe miεke, meketimè Yesu tōrè, mɛdérímè bèè nàá nKuyie mpāānāànti. Metāámmè bèè tiè mbenìtibè Kuyie nnāànti, de kó difōnkúò bèè dòòri tidietì nè bèè miεkùnkò bemuòmbε nè bèè teénnè betòbè nè bèè baké nè bèè nàá ntināāncànti. ²⁹ Bemuòu beè í tú Yesu tōrè, bemuòu beè í tú bèè nàá Kuyie mpāānāànti, bemuòu beè í tiè mbenìtibè Kuyie nnāànti, bemuòu beè í dōòri tidietì. ³⁰ Bemuòu beè í miεkùnkò bemuòmbε, bemuòu beè í nàá ntināāncànti, bemuòu beè í tuònkò tināāncànti. ³¹ Tū ñwammúnè yepārè yèè pēēté yeteyè.

M bo di benke dèè pēēté demou.

13

Médókùmè

¹ Bá kè n nò nke nàá nyibotí imou kó tināànti nè Kuyie ntōrè kpeti, ke né í mōke mɛdókùmè, n dō nkubarìcírìkù nku bè bie nkù yoo kukānkānkù. ² Bá kè Kuyie nni mpā kè n nò ke nàá ku pāānāànti, ke yé dèè sòri, ke yé mɛcii mmemou, ke tá Kuyie nkè m bɛi nyetārèè fūte, kè n né í mōke mɛdókùmè n tú detetirè nde.

³ Bá kè n totí n kperε demou becīribè, ke duó m mää kè bè n cóu, kè n yí mōke mɛdókùmè n tú detetirè nde. ⁴ Médókùmè yìè nhō mmimmu, ke nitì, wè í

èènnè betabè, wè í m̀ake tip̀t̀i, wè í m̀ake tefentè.
 5 Medókùmè yìè nyí d̀ari d̀èè í wenni, ò í wanti omáà kó muc̀ntimu, ò í m̀ake kemieke, ò ãã í nhu tináànti. 6 D̀è ãã í nnaati medókùmè yìè ot̀u d̀ò d̀i m̀nni meyei, d̀è ã nhò naati ot̀u d̀ò d̀i m̀nni ndi mesàà. 7 Medókùmè yìè nhãã c̀émmu, ḱntá, ḱmbaa, ḱmmi ndemou mieke.

8 Kuyie mpããnáànti náànm̀u yóó deemu, k̀è tináànc̀antii deè, k̀è meyié́tímèè deè, medókùmè me nyí yóó deè biti. 9 Yíe nti ýé Kuyie nnáànti dikéè ndi, ke tì náá ndikéè. 10 D̀èè í ḱmmú d̀è bo tuakéní d̀i m̀nni k̀è d̀èè ḱmmú k̀è d̀èè p̀éé́tému.

11 N do tú d̀i m̀nni debire ke náá ntibíkénnaànti nti, ke m̀ake mebíkényèmmè, k̀è n yehtotí tú ibikénkpeyi, ke k̀oté ke yoo debikénkperε. 12 Yíe nti wúó nkè d̀è d̀ò nha ã nwúómmè mme oniti dihuri, de m̀nni ti bo yà páíí. Yíe nti ýé dikéè ndi, de yìè ke bo yié́tè páíí Kuyie nti ýé m̀èè boti.

13 Yíe ndenennè d̀ètããti die ndèè bo: Metákùmè, ti bo mbaamè d̀èe kpaaní nè medókùmè. D̀èè p̀éé́té d̀eterè deè tú: Medókùmè.

14

Tináànc̀antii nè Kuyie mpããnáànti náamm̀u

1 Wammúnè meketimè medókùmè, ke múnke ndó ḱm̀ote Muyaánsààm̀u kó yepã̀è, ḱenwanti d̀ake di bo nnáammè Kuyie mpããnáànti. 2 Wèè náá tináànc̀antii ò náannè Kuyie nku, ke ýé benitibè í yomè ò tú mù, ò náá ndisò̀r̀i kpeti nti Muyaánsààm̀u

ò duó ntì. ³ Wèè nàá nKuyie mpããnáàntì, ò nàánnè benìtibè mbe ke bè kpénkùnkò, ke bè tiè nke yáúkùnkò be kòntì. ⁴ Wèè me nnáá tináàncàntì ò kpénkùnkò omáà ndi, kè wèè nàá nKuyie mpããnáàntì kòo kpénkùnkò Kirisi kòbe.

⁵ N dómu dimou di nnáá ntináàncàntì ke né dake dó di nnáá nKuyie mpããnáàntì, wèè nàá nKuyie mpããnáàntì ò p̄ḗtému wèè nàá tináàncàntì, kè de yié nsàá í tì tùòmmu Kirisi kòbe kè bèe kpenke. ⁶ N kòbe kè n kòtoo di cie ke di nàánnè tináàncàntì, dè bo di teennàà? Kè m me ndi nàké Kuyie nkó disòrì kpeti yoo n di yié mecii, yoo n di nàké nKuyie mpããnáàntì, yoo n di duó nKuyie nkó itié, dè báá di teennàà?

⁷ Wénténè fetārifē dōmmè yoo kukùtìdùkù. Kè bè eu yoo bè bie nke í baàtì a bo yīme kēbanté tì autì botí nku. ⁸ Kè wèè eu tekpārìheutè, kòò í baàtì, we mbo báátí kékote dikpànnì. ⁹ Mèè botí nku kè di nàá tináàncàntì kè bè í yo di tú mù dè bo ndò ndetètìrè. ¹⁰ Tináàntì bomu kutenkù miēke ke sū, bá kùù botí nè ku náàntì. ¹¹ Kòò mōu n nàánnè tináàntì n yí yo tì ò ñ ndò nhokpákparì nwe m borè kè n dò nhokpákparì o borè, ¹² kéndònnè di waàmmè Muyaánsààmù kó yepārè, wammúnè yèè bo íteénnè Kirisi kòbe.

¹³ Wèè nàá ntináàncàntì, wèè mōo Kuyie nkè kùu ò pã kòò nnò ke tì tùònkò. ¹⁴ Kè m báá nKuyie nè tináàncàntì, n yèmmè mèè kù báá ndè í tú n ciì. ¹⁵ N dò nké dè dòòmu dèdè. M bo mbáá nKuyie nnè tináàncàntì, kémbáá nKuyie kè bè yo n tú mù. Kéndiè nè tináàncàntì kéndiè kè bè yo n tú mù. ¹⁶ Kè nsà kàa sántí Kuyie nnè tináàncàntì, bèè kàri kè bè í yo a tú mù bè bo yīme ké da wēnnénè ke dò: Dè mme

ndò? ¹⁷ A sǎntí Kuyie nkè dè wennimu yie, dè né í teénnè bεtǎbè.

¹⁸ N sǎntí Kuyie n náámmè tináaǎncànti ke di pǎēté dimou. ¹⁹ Kè m me mbo benìtibè tikú dè, m bo béimmè yetannò yènúmmù kè dèe bè teennè, dè pǎēté m bo nákémmè tináaǎncànti yetannò sikou sikou kè bè báá kee n tú mù.

²⁰ N kǎbe bá mmǎkenè ibí kó iyèntotí, di né ndò nyibí meyei nyínkè, kè di yèntotí dò mbenitímómǎmbe kpeyi. ²¹ Tì wǎrimu ke tú:

M bo duó nkè ibotí tǎi
 náké n kó benìtibè n náaǎnti,
 m bo duó nkè bεpòðbèe
 bè nàké n náaǎnti,
 bè me mbáá ti kènté.

²² Tináaǎncànti benkú bèè í tǔ bèmbe Kuyie nku kó muwǎrimú. Kǎa bo nákémmè Kuyie mpǎǎnáaǎnti dè benkú Kirisi kǎbe kù kó muwǎrimú.

²³ Kè Kirisi kǎbe tíí nke náá ntináaǎncànti bemou, kè bewedǎumpàmbè yoo bèè í tǔ nKuyie nkè bè dè bo, bè báá yí di wàátáá? ²⁴ Bemou kè bè me nnáá nKuyie mpǎǎnáaǎnti, kòo wedǎumpànwè yoo wèè í tǔ nKuyie nkòò dè bo, ke kèè bè náá ntì, tì bo ò teennè kòo banté o yei. ²⁵ Kòo yèmmè kpeti tì sòri kè tì feité, kòo sǐnné kébántè Kuyie nkébanté Kuyie mmènke bomè di cuokè.

Di bo ndǎarimè kè dikǎnkǎðnni bá mbo

²⁶ N kǎbe kè di níí tíí nke bo bántè nKuyie, bá wè wèe dǎò Kuyie nhò duó ntì. Kè yie ndèntè feyènfè, otòu duó nyitié, kòo tòu náké Kuyie mpǎǎnáaǎnti, kòo tòu béi ntináaǎncànti, kòo tòu tì tìò, kè dèe teennè Kirisi kǎbe kè bèe kpenke. ²⁷ Kè di níí náá ntináaǎncànti, benìtibè báá pǎēté bèdébè

yoò bètāāti, kénfeinko betòbè, kòò mǎu tì tùònkò.
²⁸ Kòò mǎu í bo wèè bo ti tùò, á ncíéké Kuyie ncíètè miéke, kénnáá nhamáà nè Kuyie. ²⁹ Bèè nàá Kuyie mpāānāāntì bè mbo bèdébè yoò bètāāti kénnáá nke feinko betòbè, kè betòbè tì wèi ke bo yà tì bo ntú Kuyie nkpeti. ³⁰ Kàa nàá, nkè Kuyie mbenke otòu tìmatì, a cíéké kóò feí. ³¹ Di bo na kénnáá nKuyie mpāānāāntì ke feinko ditòbè, kè dèe yie nkè di yíe benitìbè mecii nke yáúkùnnè be kǎntì. ³² Wèè nàá nKuyie mpāānāāntì ò dò nkénnommu ke pīi nhomáà. ³³ Kuyie nyí tú dikǎnkǎnni kǎku, kù tú diwèi kǎku nku.

³⁴ Kéndònnè dè dòmmè Kirisi kǎbe tīrè yemǎu, n dǎ dè mmè ndo ndi ciè. Benitipòbè ní ncíéké Kirisi kǎbe tīrè miéke, ke yé ikuó tùmè bè ñyòòmu. ³⁵ Kòò nitipòkù mē ndǎ kébèke tìmatì nti, wèe beke o dòu təcíètè, dè í wenni onitipòkù bo nnáámmè Kirisi kǎbe tīnni miéke.

³⁶ Kè di dǎ káyete de kó tináāntì, Tináānsààtì í yènní dī borè, bè tì ndi nàkému. ³⁷ Kòò mǎu yèmmè dò nhò tú Kuyie mpāānāāntì nāāntò yoò ò mǎke Kuyie nkó dipānni mari, wè nyé ke dò n di wàri tì tú ti Yìè nkó ditannùu ndi. ³⁸ Kòò mǎu yete de kó tináāntì, ti múnke ò yetemu.

³⁹ N kǎbe nwaānnè di bo nnáámmè Kuyie mpāānāāntì, kòò mǎu dǎ kébèi ntināāncàntì, di báá ò bàá. ⁴⁰ Dí ndǎori demǎu kè dè wenni bá dikǎnkǎnni bá mbo.

15

Yesu kumè ke yànté

¹ N kòbe n dó ké di dente Tináaṅsààtì n di nàké tìnti, kè di tì yie nke tì pī tei tei. ² Kè di kpaá tū nti n di nàké mèè botí Kuyie mbo di deetè, ke mēè dake di yie ntì, di ti yie ndetetirè nde.

³ N kèè tì, n ti ndi nàké, tì tū Kirisi ku ti yei nkprí, kéndònnè ti wàrimè nè dimònnì. ⁴ Kè bèè ò kũnné kòo yánté diyie tãánnì yie, kéndònnè tì wàrimè, ⁵ kébenke omáà Pieri, de kó difōnkúò kébenke omáà o tancòumbè epíítè nè bèdébè, ⁶ kéwēte kébenke omáà o kòbe dimònnì dimáà mieke, bè bo mpēēté sikousinùmmù (500). Bèmapè kúmu kè besũkùbè kpaá fòu. ⁷ Kòo wēte kényíé kébenke omáà Isaku nè Yesu tōrè yemou.

⁸ De kó difōnkúò kòo dente ké m benke omáà, mí nwèè do í mànnè. ⁹ Mí tu Yesu tōrè kóo sàmpòu, n do í mànnè bè nni ntú Yesu tōnnì, ke yé n fēũmmè Kirisi kòbe. ¹⁰ Nè Kuyie nkó mesàà nkprí nkè ñ tu n tū wè, kù n dòò mēè sàà nyí yè detetirè. Ke yé m pīmmè mutōmmú ke pēēté Yesu tōrè teyè yemou, mí í pī nde kó mutōmmú m máà, Kuyie nkó mesàà mēè m bonè. ¹¹ Mí nnè Yesu tōrè teyè ti wē nke náá Tináaṅsààtì timáà ndi kè di ti nyie.

Ti yóó yántémè

¹² Ti di nàké ti kó diyuu tū: Kirisi ku ke yánté. Dè dòmmè kè bèmapè di mieke tū becírìbè í yóó yánté? ¹³ Kè mukúkéyántímù í bo Kirisi na bá nku ke yánté. ¹⁴ Kè Kirisi do í ku ke yánté ti náá ntì na ntú detetirè nde, kè di ti tã detetirè. ¹⁵ Kè becírìbè í yóó yánté tínti Yesu tōrè ti na ntú siyáábísí yembè mbe, ke yé ti tùmè Kuyie nduó nkè Kirisi yánté. ¹⁶ M bo yíé kébéi nke dò kè becírìbè í yóó yánté, Kirisi tū mmúnke í yánté.

17 Kè Kirisi ku ke í yáńté di yie ntì tú detetirè nde, kè di kpáá di yei mmieke. 18 Kè Kirisi kòbe bèè ku kè bè feti. 19 Kè ti do mbaa Kirisi bo ti duómme ketenkè kie nkperè nde, tì na ntù besénnibè kètibè.

20 Kirisi weè tú oketiweè ke yáńté, kè dè bo yie nkè bèè kú kè bèe yáńté. 21 Ke yé onìti omáà weè temè kè mukũũ ntanní, mēè botí nku onìti omáà yó ntemè kè becírìbèe yáńté, 22 kéndònnè Adammu kúmè kè benitìbè bemou kō, mmēè botí nku Kirisi yáńtémè bemou kè bè yóó yáńté. 23 Bá wè nè o fìe mme, Kirisi weè tú oketiweè wèè ku ke yáńté, ò bo wētení dìi yìe kédúú nkòo kòbe yáńté. 24 Kirisi bo na dìi mōnni bekperìbè bemou, bediebè bemou nè yebòkè yemou, kēwēte kédúú ntikpàti o cice Kuyie, kè kutenkùu deè. 25 Ke yé Kirisi weè yó ntúmè okpàati ke kémùnè Kuyie m bo ò duómme o kpantídèntòbè kòo bè cùti. 26 O kpantídèntòu sōnwe ò yóó na wè tu mukũũ. 27 Ti wàrimu ke tú: Kuyie nhò baá ndemou, bè né í yē nhò baké nè Kuyie nkùù ò baá ndemou. 28 Demou dè bo bóuté dìi mōnni Kirisi, o mómumuò nhò bo bóuté Kuyie nkùù ò duó ntikpàti. De mōnni kè Kuyie nkùù mbaké demou, demou páíí.

29 N yo kè bè tu, di mieke bèmabè duó nkè bè bè ānnè bàtémùù be kòbe bèè ku be kpéí. Kè mukúkéyáńtímù í bo, de kóo bàtémùù tukúnè ba? 30 Ti mómumbe ba nte kè ti káárì mukũũ nyemàrè yemou? 31 N kòbe, n káárì mukũũ nyewe yemou ndi, kè dè n naati nè díndi ti wērmè ti Yìe nYesu Kirisi mieke. 32 Ketenkè kie nkó ticuuti kpéí nke m manèmè yekpamaà Efesi eì miekaà? Kè becírìbè í yóó yáńté, tōntinè dikotinùù marì tí nyo nke yò, nke

yé ti naa yóó kúmèmu.

³³ Nyénè ke dò nkàa naitinè wèè borime í wenni a kōme ã ã sīntemu. ³⁴ Daatenè ke yóu meyei nkéndòori mesàà, bèmabè di mièke keté ke í yé Kuyie, m bēi nti kè ifei ìi bo di pī.

Ti yóó yánténè tì kǎnti

³⁵ Kè dè yèmmè òmòu bo yī becírìbè yóó yánté òmme botí? Bè yó mmòke ònti kǎnti? ³⁶ De yiè ntú kuyèinkù nku, ò í yé ke dò, nkàa buotí ditebii di ã ã kúmu kè mutie né na kékótáà? ³⁷ Bè ã ã í mbuotí kuye, bè ã ã buotí medibii mme yoo ditebii mari, bè me nhō ntidibotí timou. ³⁸ Kuyie nkuù duò bá tì diiti ti kó kubotí, bá mùu tie mu botí.

³⁹ Benitibè nè iwū ã nè tiwanwanti nè sinò dè í wē ntikǎnti.

⁴⁰ Keĩnkè kperè nè ketenkè kperè dè í wē ntikǎnti, demou dè wennimu kè de wenniku né cáá. ⁴¹ Kè keĩnkè kperè wète ke cáá, diyie nè otánkù dè wenniku í wē, siwàá me nyí wē nkuwenniku.

⁴² Mèè botí nku, bè kǎnné onitì nè tì kǎnti ã ã pǎākemu, ò yóó yánténè tì me nyí yóó kú. ⁴³ Bè ã ã nkūrì onitì kòò í wenni, ke bo yánté ke íwenni, ké nhò kūrì kòo kpa muwērímú ke bo yánté ké mmù mòke mediè. ⁴⁴ Bè kǎnné tì kǎnti do mòke ketenkè kó mufòmmu mmu, tì yóó yánté kè tì yó mmòke keĩnkè kōmu. Kè ketenkè kó mufòmmu bo, keĩnkè kōmu múnkè bomu. ⁴⁵ Onitì kètiwè Adammu do mòke ketenkè kó mmufòmmu mmu, kè Adammu sɔnwè Kirisi tú muyaá ke duò mufòmmu. ⁴⁶ Ketenkè kó mufòmmu muù ã ã keté, kè keĩnkè kōmu ntǔnní, dè báá na kéceete. ⁴⁷ Kuyie ndòò Adammu kètiwè

nè mutáá mmu, kè Adammu dérínwè Kirisi cùténí keĩnkè. ⁴⁸ Bèè tú Adammu kètiwè kɔbe, bè màke ketenkè kó mufòmmu mmu kè Adammu wèè cùténí keĩnkè kòo duò nkèĩnkè kó mufòmmu bèè tú o kɔbe. ⁴⁹ Di mmònnì tì dònne Adammu bè dònne wènwe mutáá, nkè de mònni kpaaaní kè ti bo dontenè wèè cùténí keĩnkè.

⁵⁰ N kɔbe ntenè n dó ké di náké tì, ketenkè kó tikòntì tìì í tati Kuyie nkprààtiyuu mieke, ke yé tìì kòntì yóó pãake tì báá na kémbo sáá.

⁵¹ Ntenè disòrì kpèti n dó ke di náké tì: Tì í yóó kú timou dɔke, ti yoo ceetemu. ⁵² Kutenkù deemu kó teheutè bo kuó ndì mònni, kè ti ceetemu mecãã nfenònfè kòò kámii tēmè, kè becírìbèe yánté kè ti mmàke tikòntì tìì yó nfòu sáá. ⁵³ Tikòntì tìì pààkù kè tìì naá ntìì í yóó pãake, kè tìì kɔ nkè tìì naá ntìì yó mbo sáá. ⁵⁴ Tikòntì tìì pààkù tì bo naá ndì mònni tìì í yóó pãake, tìì kɔ nkè tìì naá ntìì yó mbo sáá, de mònni kè dèe dɔò tì wàrimè ke tú: Ò na mukũũ.

⁵⁵ Mukũũ nyé a nakùmè kòte kè?

Yé a kpānni kòte kè?

⁵⁶ Mukũũ nkó dikpānni tu meyei mme, kè meyei nkó muwērímú tú ikuó. ⁵⁷ Tì sánti Kuyie nkùu tì duó mmuwērímú nè tì Yiè nYesu Kirisi borè.

⁵⁸ Kè dè dò memme, n kɔbe nfííkúnè tei tei, kè di kòntì nyau, kè di pĩ nti Yiè nkó mutōmmú kè dè kèrì de ìkè, kényé ke dò ndi pĩ mùu tōmmú tì Yiè nkpréi mmù í yè detetirè.

16

Bè pã yèè pãrè Kirisi kɔbe bèè bo Sedisademma

1 Dèè tu yepārè bè pã nyè Sedisadèmmu kòbe, ntenè n tiè ntì Kirisi kòbe bèè bo Kadasi. Di dò nké ti ntũnne. ² Bá tēè om̄pùtè bá wè ò níí deite ò dó kēpã kè dè mmamè kédóú nho cīētè, ke báá mbaa m bo tuokoomè kè di né cuó yepārè. ³ M bo tuokoo dii m̀nni m bo wāri yepáte kédú ndi tãátè bè kè bèe kòtenè de kó yepārè Sedisadèmmu. ⁴ Kè dè me ndò n kòtemu, bè n neinè.

Pòori kó icè

⁵ N yó nkəroo di cie kényè Maseduənni nwe, n dò nké ke nyè. ⁶ Kè dè yèmmè m bo m̀ntè di cie kèdeè diyōō, kè di n teənnè kè n na kékote n dò nkékote kè. ⁷ N yí dó ké di yà máà kēpēēté, n dó tí mbo kém̀ntem̄u kè nsà kè Kuyie ndó.

⁸ N né yó nkpaá die nde Efesi kətuəkənè Pāntikoti. ⁹ Kuyie nkpetem̄u kuce kè m bo pī mmutōmmú die mbá n kprantídèntòbè me nsūmè.

¹⁰ Kè Timəntee tūokoo di ò còuté kòo yèmmè báá caàrè, ke yé ò pīmmè Kuyie nkó mutōmmú mmu ke n dōnnè. ¹¹ Om̄ò báá ò sènkèri, di ò teənnè kòo wētenínè diwèi, nhò bàamu nè o kòbe bèè ò cie.

¹² N yáúkunkomu ti kou Apodoosi k̀nti ke tú wèe neinè betòbè kékotoo, kòò tu o yèmmè í yie, kè mè yie ndi m̀nni ò bo kòtoo.

Pòori bè nàké tì mesəmmè ke bè cau

¹³ NdaKENè, kè di tákumè níííkú kè dí mməke dikōmbùò kénkpeñni Kuyie nkó kuce mieke. ¹⁴ Di dōori dè dem̄ou di ndè dōōri nè mēdókumè.

¹⁵ Nyénè Setifannaasi nè o cīētè kòbe kpéi, mbèè keté ke còuté Kirisi Akayii tempē mmieke ke duó mbemáà Kirisi kó mutōmmú, ke teənnè Kirisi kòbe.

16 Ndénè de kó benìtìbè botí nè bèè kó dimàà bè wě́nè ke pī mmutōmmú.

17 Dè n naatimu ke yé m mu nyí kòtoomè kè Setifannaasi nè Fəritinnatuusi nè Akayikuusi kè bè kàtení ke n teennè. 18 Ke yáúkùnnè n kòntì bè yáúkùnnè mèè botí di kpɛti. Nsāntínè de kó benìtìbè botí.

19 Kirisi kəbe bèè bo Asii bè di dɔunko kè Akidaasi nè Pirisiidi nè Kirisi kəbe bèè tiku be cɛtè kè bè di dɔunko nè ti Yiè nkó metaummè miεke. 20 Kirisi kəbe bèè bo die mbeməu bè di dɔunko.

Ndóunnè ditəbè nè diwèi.

21 Mí mPəəri mû wəri mudəummu muu nnè n nòùtè.

22 Kòo mǝu í dó ti Yiè, Kuyie nhò cǝǝ. Maranata - Ti Yiè, nwɛtení!

23 Ti Yiè nYesu kó mesàà ní ndi bonè.

24 N di dómú diməu nè Yesu Kirisi kó metaummè miεke.

Bibiri Kuyie Nnààntì Pátírì
The Holy Bible in the Ditammari language of Benin

copyright © 2001 SIM International

Language: Ditammari

Translation by: SIM

This translation text is made available to you under the terms of the Creative Commons License: Attribution-Noncommercial-No Derivative Works. (<http://creativecommons.org/licenses/by-nc-nd/3.0/>) In addition, you have permission to port the text to different file formats, as long as you do not change any of the text or punctuation of the Bible.

You may share, copy, distribute, transmit, and extract portions or quotations from this work, provided that you include the above copyright information:

You must give Attribution to the work.

You do not sell this work for a profit.

You do not make any derivative works that change any of the actual words or punctuation of the Scriptures.

Permissions beyond the scope of this license may be available if you contact us with your request.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2022-05-31

PDF generated using Haiola and XeLaTeX on 11 Nov 2022 from source files dated 1 Jun 2022

5e2d0f12-f1d8-567b-bf98-cf1de4599d16